

# Judas

## Judas Tyyriti

---

<sup>1</sup> Jiarỹ Juda rare. Jesuisi Kristu deõdu jiarỹ rare, Txiau exi wahe. Deuxu heka aluudu rare. Tii arayrubunymyhỹre òraruna-txi reseke lau. Tai òbitimy ahābenyke Kristu nonana-ò. Watyyriti adee rewahinyre. <sup>2</sup> Ruxetõena adee kanakemy watzireri Deuxu-ribi. Ywina sōwemy aworeny-ki atxibenykemy adireny watzireri. Wiluuna sōwemy akireny ihỹke, Deuxu-ribi.

<sup>3</sup> Jiarỹ kaiboho ibutumy aluurenyre. Deuxu ibutumy inyboho ritarenyre. Kia ibutumy ariritinykemy idi rahõtinyra. Inyboho heka ibutumy Deuxu sỹ mahādu roire. Iwese iny rityhynymyhỹre wese tii iny ritỹnynymyhỹre. Iribi tahe iny mahāduõ adee nade iny inytyhyna riwitziradỹỹnykemy adireny ratzireri. Iny heka inatyhyna biyrubunyenyeke òbitimy rarehyyke. <sup>4</sup> Kia òbitikõ mahādu ayreny-ò ralõra. Tiiboho Deuxu rityhynyõre. Deuxu inydeereny awi heka rare òraru-ribi iny ritarenyreki. Kia òbitikõ mahādu tahe kia wese rarybere: —Òraru-di atxikeki, kia aõ aõkõ rare. Deuxu dori iny òraru-ribi ritare. Jesuisi iny wedu rare, iny Iòlò wahe. Tiiboho tule rarybere: —Deuxu bityhynybenyõke. Deuxu ihetxiu rieryre kia wese tiiboho rarybekemy. Tai tahe tii ritỹnynymy ihỹre tiiboho bedehetõybina-ò riteõnyke.

<sup>5</sup> Deuxu inatyhymy riteõnykre ritỹnynyraki. Iwese tii ihetxiu iny-di rehure wese, tii wiji iny rehukre. Judeu mahādu heka Deuxu ritare Egito bede-ribi. Idi tahe imahāduõ rityhynyõre. Tai tahe imahādu rahurenyre. Kia teertyente. Itxi õhõtireny reakre. <sup>6</sup> Yju mahāduõ tule juhuu Deuxu deõdumy ihỹre. Idi tahe taaõmysydỹyna ririre. Tai Deuxu ròtena bedeõ-ò riteõnyre. Bedelorohokỹ ihỹre. Kabederawo-ki roire. Tiu heka iribi riòlòdỹỹnyõtyhy. Deuxu bededỹynana riwinyemy roimyhỹre aõhõkỹmy isydỹynana-ò. Tai tahe yju wesemy kia òbitikõ mahādu rỹike, Deuxu itỹnydỹydumy rỹikre. <sup>7</sup> Ijõ ijyy teeryte. Inatxi hāwā ihetxiu ibinatyhy rare: Sodoma, Omora-wana. Ijõ hāwā tule ibinatyhy rare. Kia hāwā yludu mahādu ibutumy heka òta òtanale riwinyemyhỹre. Hābuõ dori wiwana rexiòrarunymyhỹre, hāwyy tule wiwana wahe. Tai tahe Deuxu ihāwā rahure. Biu-ribi heõtõ diteõnyde. Idi Deuxu dibedeerynyde òraruna derare tii. Tiiemy aõhõkỹmy dỹynana riwahinyre. <sup>8</sup> Kia tule òbitikõ mahādu-ò riwahinyre.



(Judas 1.7)

Tiiboho dori ibinamy riwinymyhÿre. Aõbinalemy raraykynymyhÿrenyre, taumyreny risurisunymyhÿrenyre ðرارuna-di. Deuxu rityhynyõre tule ÿju ruruna-di risinymyhÿrenyre. <sup>9</sup>Tiiboho Mieli wesemy aõkõ riwinyre Mieli heka Deuxu ÿju dinoduõ rare. Tii Satanasi-wana wiribi ðtummy rarybemyhÿrenyre, Moisesi umy ðرارu-ki. Mieli heka ritirÿmyhÿre iumy ridyke lau. Iu Mieli Satanasi-ð rarybereu urihimyo rityhynymy rarybere, ixinohõtídile ritehiõtÿhy. Urile rarybere: —Deuxule aratehikre. <sup>10</sup>Kia õbitikõ erydu mahãdu aõbina riwinymyhÿrenyre. Aõbinalemy tyytyby bede aõmydÿÿnanamy rarybere kia rierÿõmahã hãrele. Kabede aõmydÿÿnanale rierÿmyhÿre iwese ibutu irõdu mahãdu rierÿmyhÿre wese. Tiiboho heka irõdu aõna aõna nohõtijuranadile aõna aõnamy rotÿÿnymyhÿre. Tai rexihurenyre. <sup>11</sup>Deuxu heka kia mahãdu kiditÿnynyke, Kaï reðsamy raremyhÿ wese dori reðsareki. Aõbo Kaï ixi-di riwinykemy rõhõtinyinmyhÿre heka riwinymyhÿre. Kia mahãdu tule Balaaõ wesemy riwinymyhÿre. Balaaõ nieru sõwemy ritakemy ixidi ihÿmyhÿ. Tai tahe Deuxudeewimy riwinyõre. Tule kia mahãdu Kore wesemy riwinymyhÿre. Deuxu õludumy rexisÿnyre. Tai rexihurenkyre iwese Kore mahãdu rexihure wesemy.

<sup>12</sup>Kaiboho wiluuna roxina-ð tebutunyteu, kia mahãdu tule ayreny-ð ralõra. Aworana bedehesi tiiboho ribinadÿÿnymyhÿre õbitimyno rierÿõreki. Urile rexihydynymyhÿre, inywitxira-txi tõhõti reaõhyymyhÿre. Iwese yhy debure wese tiiboho roire. Urile yhy biu ridyõtÿhy. Rõaõtÿhy. Sõwemy taheka relemyhÿre, ihãrele aõhomy aõkõ namyhÿde. Õwõru bederaty wahidÿÿdu wese tiiboho roire. Iratydikemy ratxireriu, ihãrele aõkõlere. Õwõru rubu wese roire tiiboho. Raõrõmyhÿre, rurumyhÿre. Kia wese heka kia mahãdu rare. <sup>13</sup>Kia õbitikõ erydu

mahādu tiu ele risaõhyymyhÿre. Ahohokÿ aõwetari òbòhòkÿ idi rehumyhÿre wesemy tiiboho inyrenyire. Iwese òbòbexi-di ròhònymyhÿre wese. Iòraruna òraru-ki aõbina bina iribi ròhònymyhÿre. Tiiboho dori Deuxu inatyhyna ririrenyre. Iwese taina resemyhÿre wese tiiboho iribi resemyhÿrenyire. Deuxu kia mahādu-di ritÿnynymy riteonyke bede luruhukÿ-ò. Iribi ròhònÿotyhy. <sup>14</sup>Enoi heka Adaõ dee yreõ rare. Adaõ juhuhu hābu rare. Debòinatxi riòreky-ribi Enoi rare. Enoi Adaõ riòre roko rare. Ihetxiu Enoi rarybere wijinabòdu mahādumy. Iwese òbitikò erydu mahādumy roirekre. Enoi rarybere Kristu nonanamy:

—Tii kanakre tamahādu sōwe-wana. <sup>15</sup>Idi ibutumy iny ritÿnynykemy. Inyõ tii taoõhòkÿmyna aõhòkÿmy rotÿÿnykre òraruna òraru-ki. Ibutumy òrarudu mahādu rehukremy Deuxu-my ralahatxinanymyhÿreki. <sup>16</sup>Tiiboho rexirahemyhÿre, tiu reysaõhyymyhÿre, aõdibo tamywimy rabinadÿÿmyhÿreki ratxikelemy. Rarybenihikÿmyhÿre. Riwiòhenanymyhÿre aõ ritamyhÿre xiery.

<sup>17</sup>Waluuna mahādu, òhòtirenny reake aõmybo Wanyrÿ Jesuisi Kristu teòdÿÿna mahādu juhuhu raryberé. <sup>18</sup>Tiiboho adeereny rarybere: —Bede dÿÿnana roomy tahe ijesu kòdòhònykre, ixidee wilemy tuu rotÿÿnynymyhÿre. <sup>19</sup>Kia hābu iny wiribihiximy risÿnykemy, bede aõmydÿÿnana luudu mahādu. Deuxu Tyytybytyhy-di aõkò ratximyhÿre. <sup>20</sup>Kaiboho waluuna mahādu aityhydÿÿna-di arurumy bitÿnynyke, Deuxu Tyytybytyhyna-di bexitòenyberihyy. Deuxu luunay-ki iximy boibeke. <sup>21</sup>Wanyrÿ Jesuisi Kristu ruxetòena biraòbenyke. Tii heka umytedeõna kidiwahinykre. <sup>22</sup>Biwiòhenanymyhÿre ka ritxiònymy rÿira mahādu. <sup>23</sup>Kia mahādu iworonawe-ribi wese bitake. Ijõ-ò ywina-di brebuna-di bisÿnykemy taòraruna deramy bekowabenyke. Iòraruna aõna aõna-ò akylene reake.

<sup>24</sup>Òraruna lau taruru-di Deuxu arayrubunymy ratximyhÿre. Tii arateòsinykre yramy, tako-ò wowydyna-wana. <sup>25</sup>Wowydyna, àlàdÿÿna, ruruna, Iòlòtyhydÿÿna, iny Deuxu sohoji-ò kanakemy watxireri tule Inynyrÿ Jesuisi Kristu iny tarasadu-ò. Kata juhuuna-ribi, wiji aõu aõu-ò rahyykre. Kie.